

16  
1.  
16  
1.  
2  
3.  
4.  
5.  
16  
1.  
2.  
3.  
16  
1. G  
2.  
3. A  
4.



DISPUTATIO POLITICA  
DE  
MAGISTRATU

Quam  
DEODUCE ET AUSPICE  
EX

SAPIENTISSIMI PHILOSOPHO-  
RUM ORDINIS PERMISSU,

SUB PRÆSIDIO,


DN. JOHANNIS PAULI FEL-  
WINGER, POL. MET. ELOQ. PROFESSORIS  
CELEBERRIMI,

IN ALMA ALTORFENSI ACADEMIA  
Publicæ Eruditorum disquisitioni subicit

JOHANN: RUDOLPHUS TSCHARNERUS  
Hof. Slesuicensis,


PHILOSOPHIÆ STUDIOSUS,

Die 12. Maij. in Auditorio Philosophorum,  
horâ octavâ



ALTORFINÆ,

Apud GEORGIUM HAGEN, Univ. Typogr.  
ANNO M. DC. LX.



*VIRIS*

*Magnificis, Nobilissimis, Amplissimis, Consul-*  
*tissimis & Prudentissimis*

**DOMINIS**  
**CONSULIBUS**

Totiq; Ordini Senatorio gravissimo.

Inclytæ & S. R. I. Liberæ Reipublicæ

**GOSLARIE NSIS**  
**PATRIBUS.**

*Dominis Meccenatibus & Favitoribus suis*  
*devotè colendissimis.*

*submisè*

*offeri & consecras*

*J. R. T.*  
*A. & R.*





E Magistratu acturi, supremam omnesque tum terrestrium tum Cœlestium Principatus & Virtutes transcendentem Potestatem devotâ animi, quâ decet, humilitate adoramus, ut nobis errorum superatis scopulis, missisque verborum, quæ suo damno nimis multoties juvenus persequitur, lenociniis, τὴν ἐφ-

ἑαυτῶν τῆς διανοίας ἡμῶν πεισχυμένους ad felicem temporis filiam Veritatem portum aperiat, ut discamus reddere Cæsari quæ Cæsaris sunt, & Deo, quæ Dei sunt, cui in præsentiarum etiam sit honor & gloria in secula sæculorum.

I.

Πρὸς τὸ ὁρθῶς διδάσκειν δεῖ ἡμᾶς πρῶτον ἐξετάζειν τὸ ὄνομα, ἵνα φανερὸν γένηται περὶ τίνος ἡμῖν ὁ λόγος. Magistratus originaliter descendit à Magistro: Magister autem ab adverbio Magis, ut Minister à minus vel minor: sic ut hic subjectionem importet, ut ille potestatem involvit: quemadmodum enim Magister suos discipulos, ita subditos Magistratus suos regere, moderari & gubernare fræno justitiæ debet.

II.

Magistratus dupliciter considerari potest secundum essentiam vel secundum existentiam: in idea vel in subjecto: Formaliter vel materialiter: Abstractivè vel concretivè. Illo sensu significat ipsam potestatem vel officium, quod à Deo datur hominibus, de quo Rom. 13. v. 1. Πᾶσα ψυχὴ ἐξουσίᾳς ὑπακούστω θῷ ὅτι ἐστὶν ἐξουσία μὴ ἀπὸ τοῦ Θεοῦ αἱ γὰρ ὑποταχθεὶς ἐξουσίαι, ὑπὸ τοῦ Θεοῦ τεταγμέναι εἰσὶν. Hoc sensu verò significat ipsas personas, Principes Rom. 13. 3. ipsos Cæsares Matt. 22. 21. ipsos Reges Luc. 22, 25. ipsos Dei Diaconos Rom. 13. 4. ipsos Dominatores Luc. 22. 25. ipsas κτήσεις ἀνθρωπείας 1. Pet. 2. 13. quibus potestas à Deo in subditos data est.

III.

Magistratum non abstractivè & formaliter sed concretivè & materialiter sumptum hoc modo definimus: Magistratus est per-



4.

sona publica divino instituto delecta, ut bene moderetur Rem-  
publicam, pœnâ corporis transgressores legū puniat, bonos verò  
foveat & amplectatur, ut populus quietam & tranquillam vitam  
degat cum omni pietate & honestate. 1. Tim. 2. 2. Ex quibus ma-  
nifestè patet & luce meridiana clarius elucescit, maximam esse  
magistratum tum dignitatem, tum utilitatem tum quoque  
Necessitatem: Dignitas inde apparet, quod ab ipso Deo, qui est  
Rex Regum & Dominus Dominantium originem ducant: quo  
posito, quis quæso tam perverso laborat syncipite, ut potestates  
supereminentes Deo placere & acceptas esse neget? Facebant  
ergo Donatistæ omnesque *ἀναξίας καὶ ἀταξίας* propugnatores: Cessent  
ignominia Majestates afficere pervicaces Anabaptistæ. Dictum  
est Noæ & filiis ejus post diluvianis; quicumq; effuderit sangui-  
nem, per *hominem h. e. potestatem Ordinariam gladio armatam*, fun-  
detur sanguis illius. Mosi dicit Dominus Deut. 16. 18. Judices &  
Magistratus constitues in omnibus portis tuis, quas Dominus  
Deus tuus dederit tibi; per singulas tribus tuas, ut judicent popu-  
lum in judicio. Utilitas & necessitas Magistratus ex eò patet,  
quòd *videmus*, ut cùm Cicerone loquamur ex libro 3. de LL. *hanc*  
*Magistratus esse vim, ut præsit & præscribat recta & utilia & conjuncta*  
*cum legibus: ut enim Magistratibus leges: ita populo præsent. Magistratus:*  
*verèq; dici potest, Magistratum: legem esse loquentem: legem autè mutum*  
*Magistratum: Nihil porro tam aptum est ad jus conditionemq; natura,*  
*quam imperium, sine quo nec domus ulla, nec civitas, nec gens, nec hominum*  
*universum genus stare, nec rerum natura omnis, nec ipse mundus potest.*

IV.

Patet etiam hinc, neutiquam errare virum piū & verè Christi-  
anum, nec ullo modo suam contaminare conscientiam, si ad gu-  
bernacula Reipublicæ collocatus populum gubernet justitiæ ha-  
benis: nunquam aliàs Melchisedecus Rex & Sacerdos fuisset, nun-  
quam Moses princeps populi: nunquam Josua Dux Israelitarum  
extitisset: totus pro nobis Judicum chorus facit: nec minus Pro-  
pheta Samuel, & David, & Josaphat, & Hiskias & Josias, & Nico-  
demus

5.  
demus unus ex principibus Phariseorum, & Joseph ab Arimathia Senator adeoq; pars Politici Magistratus, quos omnes Dei amicos fuisse extra dubitationis aleam positum est. Resipiscant ergo Anabaptistæ, qui officium Magistratus ab humeris Christianorum demoliri conantur. Nos cum Chrystomo Dominum aliquem habere malumus, etiam tyrannum, quam omnino nullum.

V.  
Modus jam, quo Magistratus constituitur, considerandus venit, qui est Legitimus vel illegitimus: Legitimus est divinus vel humanus. Divinus & immediatus est, quo Deus ipse immediate imperium & potestatem humanæ creaturæ tribuit: cujus rei illustre exemplum nobis Princeps populi Hebræi Moses est *Exod. 3.* Humanus est cum consensu subditorum vel expresso vel tacito imperium defertur: atq; hic iterum est vel Ordinarius vel Extraordinarius: Ordinarius est Electio & successio: illa est ordinarius imperium demandandi modus, per quem Magistratus rectè & ritè eligitur: Hic itidem est legitimus & Ordinarius Magistratum constituendi modus, per quem Magistratui prædecessori vitâ defuncto succedit alius.

VI.  
Electionis consideranda venit 1. Causa efficiens. 2. Forma. 3. Subiectum. 4. Utilitas. 5. Distinctio. 6. Effectus. Causa efficiens statuitur jus seu potestas, quæ pendet vel à Lege scripta, vel à consuetudine diu in Rep. usurpata & confirmata: atq; sic jus eligendi concessum est, vel certis quibusdâ hominibus: sic in Imperio Romano, Septemvirale Collegium, Cæsarem eligendi jus tenere, & leges docent, & consuetudo probat, & hodierna Cæsaris Electio per experientiam Francofurti abundè demonstrat: Vel universo populo: sic statim post condita sæcula ex hominum electione Reges & Dominatores factos esse probabile est: *Cum enim primi mortales, qui ex diversis familiis confluerant, vidissent maximas ex equalitate & anarchia oriri confusiones, ob defectum legis & Regis tanquam judicis, insuperq; à potentioribus in firmiores opprimi, ad incommoda hæc evitanda, Principem vel Regem futurum elegerunt, cui in toto ultro citroq;*

A 3 Electio-

contractu, & mutuâ officii præstandi sponsione præeunte, se submiserunt: Electionem postmodum secuta est successio, quæ & ipsa primam debet originem favori populi, ad Regum & Principum heredes dignitatē transferentis.

## VII.

Ex dictis sequentia Politicus deducere *πολιτικῶν* potest: I. Reges & Principes non esse propter se, sed propter subditos, non autem subditos propter Reges: Reges sunt ut salutis populi satagant: Reges ut præsent & præscribant recta & utilia, ac conjuncta cum legibus: summa autem Regi posita lex est populi salus, quæ Magistratui non aliter ac gubernatori cursus secundus, Medico vita sana, ac Imperatori victoria, curæ esse debet, ut opibus firmus, copiis locuples, gloriâ amplius & virtute honestus populus evadat. II. Legitimum Regum & Principum non esse absolutam & planè ex legem in subditos potestatem: cum etiam ad salutem Reip. omnibus modis conservandam & procurandam secundum statuta Reip. omnibus modis conservandam & procurandam secundum statuta Reip. juramento obstringantur Magistratus. Quæ etenim quæso aliquando spes remaneret libertatis, si cuius dominatori liceret, quod liberet? & posset quod liceret? & auderet quod posset? & faceret quod auderet, & quod faceret nullis legum repagulis, nullis contractuum cancellis coerceretur, & molestum esset nemini? benè ergò Cicero egregieque dixit pro Cluentio: Legum ministri magistratus legum interpretes iudices, legum denique idcirco omnes servi sumus, ut liberi esse possimus. Et Plinius ad Trajanum; Justæ legi sanctæ & honestæ servire, regnare est. III. Legitimos Reges & Principes posteriores fuisse subditis suis: cum hi maximarum ex æqualitate & anarchia ortarum confusionum impatientes Principes futuros elegerint, quibus inito contractu ultro sese subjecerunt.

## IIX.

Forma seu modus Electionis cuique ferè Reip. certus & peculiaris esse solet: modus eligendi in Imperio Romano, describitur in Aurea Bulla tit. 2. in qua inter alia disponitur, ne Principes Electorales ex loco electionis discedant, antequam legitima omnibus.



7

busque numeris absoluta electio peracta fuerit; Et ut, si spatium tri-  
ginta dierum non consenserint, pane & aqua tam diu alantur,  
donec voluntates eorum in unum conspirent: quam poenam  
quoque, omnibus subtractis cibariis, Cardinalibus Papae ele-  
ctionem protrahentibus impositam esse ajunt.

IX.

Utilitas Electionis ea est, ut sit administrationis deferenda  
ratio, salutis Reip. non adversa, sed optata & salutaris: per hanc enim  
inter electum & Electores mutua constituitur & confirmatur be-  
nevolentia: hi enim favore prosequuntur eum, de quo spem bo-  
nam conceperunt: ille vero est contra benevolo & propenso affi-  
citur animo erga eligentes, a quibus imperandi potestatem acci-  
pit: Quid quod, si recte instituat suffragatio, per electionem  
nullis illaqueatam praedictis, optimus quisque reperitur? quid  
quod per hanc aurea libertas conservatur? cum enim electo praes-  
cribantur leges, quarum metas ei transgredi nefas est, cum in  
eas ipsum, antequam fræna Imperii capebat, jurare oportuerit,  
haud dubie incolumis facta & recta remanebit Respublica: quod  
nostra Germania, juxta Ungariam, Poloniam & Bohemiam ani-  
madvertens, magno cum Reip. commodo electione etiamnum  
utitur: existimat enim Virtutem semper esse Ducem certio-  
rem, quam naturam, secundum quam priorem instituitur electio, non  
posterio-rem.

X.

Distinguitur *Electio* in eam, quae fit per suffragia, & eam quae  
fit per sortem: Illa est modus eligendi principalis, qui fieri debet in  
conventu & loco publico, omnibus, quos jus suffragiorum tangit,  
peculiariter citatis, ut is, qui majore eorum consensu destinatus  
est, ab omnibus etiam admittatur: Haec est modus minus principa-  
lis, quando quidem ad eum rarius devenitur, & non nisi per rup-  
tricem ferri urgente necessitate, quando nimirum ratio & consi-  
lium deficit, & candidatorum discordibus & paribus eligentium  
votis nominatorum, par est genere, virtute, opibus, aliisque requi-  
sitis, conditio: quam duplici posita conditione, per sortem esse eli-  
gendum aliquando Magistratum, affirmare non erubescimus:  
nec

nce est quòd casus, quòd temeritatis, quòd superstitionis, quòd erroris & fallaciæ accusetur fors: Cùm eam non fortuna, sed Deus temperet, *Prov.* 16. 18. quapropter etiam per sortem terra inter tribus Israëlis est divisa *Num.* 36. 2. per sortem Matthias in Judæ proditoris locum ad Apostolatum evedtus est *Act.* 1. 26. per sortem olim apud Syracusanos Sacerdotes electi sunt: postquam enim suffragiis aliqui creati erant, res revocabatur ad sortem, ita scilicet, ut quotquot renuntiassent, tot in hydriam conjicerentur, & cujus nomen prius exiret, is haberet sacerdotium, teste Aristotele *Libro 5. polit.* 15. per sortem olim Romæ omnes dignitates obveniebant: per sortem Alexandri M. successores, ut memoriæ proditum est à *Iust. lib.* 13. regna & provincias diviserunt: unde natum est polythrylletum *sortiri Provinciam*: per sortem etiam hodiè decernitur, quis hostem primò invadere, quis munita oppugnare, quis prælidia collocare debeat?

## XI.

Deinde electio est voti vel liberi vel restricti: Liberi voti electio est suffragatio in personam quamcunque, quæ ad Reip. moderandæ gubernacula idonea videtur, cujuscunq; conditionis sit vel etiam nationis: Restricti & determinati voti electio est, quæ suis circumdata limitibus ad certas & determinatas personas ex certa familia gente & natione restricta est: Sic olim per legē Dei Populo Hebræo non licebat sibi Regem præficere extraneū *Deut.* 17. 15. Eum Regem creatote, quem Jova Deus vester elegerit, videlicet de vestra consanguinitate; neq; vocis licebit hominē vobis præficere extraneum & alienigenam. Tandemq; Regis electio ad tribum Judæ ac ultimè ad familiam Davidis restricta fuit: Sic quoq; Imperium Romanum etiamnum Caroli IV. in Aur. Bull. præscripto utens, neminem ad fasces admittit, qui se non ex sanguine Germano satum docere posset. Sed ad determinati voti electionem pertinet etiam determinatio ad certas leges, quarum præcipua est de Magistratus officio vel in perpetuum vel ad certum duntaxat tempus conferendo; Si majores sint Magistratus,  
præ-

præstat in perpetuum obligari: perpetuò enim Reip. Gubernatores imperare cum majestate, & subditorum mores exploratiores habere possunt, qui facilius perpetuo, quam ambulatorio parent Magistratui: Si minores sint, Ambulatorium præferendum esse judicat Adam Conzen. *pol. lib. 7. cap. 10.* cum hac ratione pluribus civibus ad honores detur aditus, & ansa tollatur seditio, quando paria sperant præmia, qui paria ferunt onera. Monarchia gubernatorem requirit perpetuum: Democratia ambulatorium: Aristocratia ex utroque participat: perspiciendum verò est quid cujusque loci ferat consuetudo & quid quæque recuset, perpetuum ne an ambulatorium facilius subditorum ferant mores & ingenia.

## XII.

Subiectum Electionis est persona ad regenda Reip. gubernacula idonea, vel ex toto populo, vel ex certa familia, gente, natione, ordine, cooptanda: ubi sequentia sub considerationem diligentem cadunt 1. Genus, 2. Natio. 3. Existimatio. 4. Ætas. 5. Sexus. 6. Virtus.

## XIII.

Cum Magistratus tanquam in excelsa specula stet collocatus, suos, in quem omnes fixos oculos habeant, ejusque vitam veluti speculum intueantur, omnia dicta simul & facta animadvertant, consultissimum videtur, si ad Magistratus fastigium evehaturis, qui pro sapia illustri natus, non obscurâ origine satus est: factum quidem est, ut nonnulli ex humili sordidoque loco progressi ad Rerumpubl. gubernacula pervenerint: sic Valerius Aurelianus Imperator matre sacrificula prognatus est: Anastasius Imperator scriba aulicus fuit: Justinus Imperator patrem habuit armentarium: Agathocles Siciliae Rex figulo patre natus est: Amasis Ægypti Rex adhuc privatus, parasitica & furandi celeritate sese aluit: Herodes Ascalonita qui Judæorum pueros interfecit, & ad necem Christum recens natum furiosus quæsit, teste Josepho, avum habuit æditum in templo Apollinis: Et ex matre serva creatus est: Servius Tullius Rex Romanorum. Hi tamen omnes

B

non



non tam electione prudenti quam casu quodam, furore etiam vel favore etiam vel favore militum ad fasces pertigerunt: quorum nonnulli satis superque docent, quam verum sit illud Claudianum.

*Asperius nihilest humili, cum surgit in altum.*

Præstat ergo Viros eligi Illustres & Generosos avitæq; nobilitatis jubare conspicuos.

*Fortes creantur fortibus & bonis.*

*Est in juvenis, est in equis patrum.*

*Virtus, nec imbellem feroces.*

*Progenerant aquila columbam.*

## XIV.

Extraneum natione & peregrinum ad Reip. gubernacula collocandum esse, non judicamus, quousq; domesticos reperite idoneos ad ea licet: Quid enim prodest extraneus, quando non tam de regni & Reip. viribus conservandis & augendis est sollicitus, quam de commodis suis privatis? quid quod principis peregrini jugum molestissimè ferunt subditi? Quod humeris suis sentientes Scythiæ ad Alexandrum M. dixere; Ut fortior sis quam quisquam, tamen alienum Dominum nemo pati vult.

## XV.

Fuere quidem non nulli extranei & peregrini, qui ad domesticam moderandam Remp. olim sunt admissi, ut Trajanus, natione Hispanus, Severus Maximinus & Philippus exteri ad imperium pervenere: sic etiam Poloni exteros sæpè elegerunt, nimirum Jagellones ex Lithuania, Henricum Vallesium ex Gallia, Stephanum Bathorem ex Transylvania, Sigismundum ex Suecia: sed observare in hoc casu oportet, quòd non tam exempla, quam rationes sint spectandæ: multi olim, ut antea jam memoratum, ad imperii fasces pervenerunt, non tam prudenti electione, quam furore & favore barbarizantium militum. Poloni nullam cæteris provinciis necessitatem vel sequelam inferunt: cum proceres Poloniæ, ut testantur Politici, suas singulares habeant ratio-

nes

nes, quibus cæteræ Resp. opus non habent: inter quas præcipua hæc esse dicitur, quod gens illa ad libertatem nimis proclivis domestico freno tam facile coerceri non possit, & proinde ad libertatis inter se æqualitatem tuendam & paritatem conservandam, jugo peregrino subjicere sese præoptet; Habuerunt aliàs ipsi Poloni, ut scribit Herbartus *Chron. Polon. lib. II.* non agentes & plures annos, ad Casimirum usque Regem, semper sui generis Reges & Principes, excepto Wenceslao Bohemo. Bene & egregiè in rem præsentem dictum olim à Lipsio est: *Ut in quam domum Vespiliones veniunt, signum est funeris; sic Reip. labentis, ad quam fulciendam adhibentur peregrini.*

#### XVI.

Existimationem Magistratus eligendi quod attinet, sine scelere, sine macula esse debet: illibata & incontaminata. Omnium enim in principem defiguntur oculi sive igitur ad Virtutes sive ad flagitia facem præferat magnâ animi cupiditate sequuntur omnes: *Regis ad exemplum totus componitur Orbis.* Removemus ergo à thronis omnes publici reos criminis; omnes hæreticos; omnes ære alieno nimium gravatos; Paupertas meretrix est. Magnam pauperies opprobrium; jubet quidvis & facere & pati Virtutisq; viam deserit arduæ. Omnes ambitiosos & Thraſonum impetus: Arcemus à Reip. gubernaculis, omnes vitâ viles & sordidarum artium professores: Principem enim supra omnes populi cognatus heroico assurgere impetu decet: qui autem sublimes & generosos concipient spiritus, quicumque parvis & vilibus rebus tanquam *Συβρίδοις & κόμῳ* occupantur, & veluti scarabæi stercoreibus delectantur? Procul etiam à sceptro, longeque à dignitatibus, contra Heliogabali praxin, abesse jubemus omnes scenicos & theatricos artifices, cum omnibus tum Comicis tum Aurigis.

#### XVII.

Ætatem eligendi Magistratus quod attinet, nec juveniles nimium, nec seniles nimium ad gubernacula evchendos esse, tum

leges imperant, tum ratio recta suadet: Non nimium juveniles: quando quidem, ut Cicero loquitur, istis *nec animus rebus gerendis occalluit, nec etas usum dedit bene suadendi*: nedum, quod animorum regere impetus nondum valeant; quomodo ergo regent alios? unde non sine prudenti ratione cautum est, ut in Imp. Romano Electorum filii ad hæreditarii Electoratus administrationem non admittantur ante annum ætatis 18. Quod verò nonnulli in ætate juvenili ad Magistratus fastigium ascenderint, non electioni sed successioni potius acceptum ferendum esse videtur: & posito, ætatis quosdam juveniles electos esse, dicimus eos non ad habenas Reip. ilicò tractandas, sed ad spem futuræ gubernationis esse electos. Senes autem à gubernaculis Reip. non planè removemus, cum nec omnes propter ætatem decrepitam risui esse soleant, nec omnes avaritiæ obnoxii, nec omnes in universum *ut cunctorum dicta & facta vellicent, nec in omnibus fons exarescat prudentiæ*, nec omnes Bis pueri evadant: multi enim sunt, qui antiquorum tempora præveniunt meritis, & quod deest ætate, virtute compensant, ait Bernhardus.

## XVIII.

Quod sexum eligendi Magistratus spectat, statuunt Politici eum esse promovendum, qui & natura potior & lege capax est ad sustinendam dignitatem: Masculi autem natura & lege tales sunt ex quo patet mulieres ordinariè ad imperium non esse eligendas: dicimus autem *Ordinariè*, cum modo planè extraordinario ad fasces pervenerint multæ, ut Debora *Jud. 4.* Regina Arabiæ *1. Reg. 10. 2. Paral. 9.* Regina Austri *Matt. 12.* Regina Æthiopiæ *Act. 8.* sic nonnullæ etiam laboribus & armis ipsos superare viros, in quarum numero Penthesilea furens, mediisque in millibus ardens: & Artemisia Cariz Regina: & Camilla Volscorum: & Cleopatra Ægypti. Sed cum pauca quædam exempla extraordinaria regulam nobis nullam figere possint, retinemus sententiam nostram inconcussam de mulieribus ad Magistratum ordinariè non ad-

mitten-

mittendis, nisi alicujus forte provinciae diuturna consuetudo in perpetuum tenorem degenerarit, ut in Apulia, Sicilia, Anglia & Navarræ regno, Hierosolymitano item & Neapolitano, ubi longo usu confirmatum erat, ut foeminae etiam ad Ducatum & Principatum accederent. Stabilimus autem sententiam nostram his praecipue rationibus. I. Quia ad mandatum divi Pauli coma mulieribus est nutrienda, ut signum subjectionis habeant, *1. Tim. 2. 11.* II. Quia ut plurimum necessariis deficient requisitis ad imperandum: cum debile sit & imbecillum mulierum consilium, & tenue ut plurimum iudicium & intellectus satis exilis. *Varium & mutabile semper Foemina*: & ita quidem ut vetustas etiam fortunam fluxam & vacillantem habitu pingi voluerit muliebri: sunt mulieres plenae rimarum, loquaces & garrulae; & rara avis in terris foemina, quae fidei concredita non propalet. Sed manum de tabula. Animus erat tractare amplius de Extraordinaria Magistratus constitutione, ejusdemque modo illegitimo, deque Successione Principis Legitima & Testamentaria: cum autem augusti chartae nostrae cancelli omnia nunc recipere renuant, sequentibus haec a qua fieri potest brevitatem, concludemus Corollariis.



## COROLLARIA.

### I.

Damnabile & exitiosum merito rejicitur dogma Machiavelli, cum licere Principi docet, sine ullo scrupulo,

B 3

pulo,

14.  
pulo, Conscientiæ morfu vel honestatis detrimento,  
ad implicationem aut corroborationem imperii, fi-  
dem datam fallere ac jus jurandum violare.

II.

Jure divino introductum est, ut in successione pri-  
mogenitus præferatur reliquis fratribus.

III.

Cùm officium Magistratus Apostolis, ipsius Chri-  
sti autoritate, sit interdictum Matt. 20. meritò etiam-  
num hodiè Sacerdotes & Episcopi à Politici Magi-  
stratus gestione arcendi videntur.

IV.

Licet Jephtha olim ad fastigium Magistratus fue-  
rit eVectus, Spurios tamen & illegitimos ad regimen  
admittendos esse non judicamus.

V.

Impio Magistratui obediendum esse æstimamus,  
& non obediendum.

ELE-





# ELEGIA

*ad*  
Nobilissimum Dn. Responden-  
tem.

**U**T Leo magnanimus pugnando caetera vincit  
Bruta, modo solido robore pectus habet;  
Sic reliquos omnes superat TSCHARNERUS adultos,  
Dum solido mente dixerit auris iqua.

A. C. p.

A. F. WEIDNERUS, SS. Th. St.



II.

**O**Animi felix! ô terq; quaterq; beate!  
Palladios faustis cui contigit ire per hortos  
Ominibus TSCHARNERE, & amænos carpere flores,  
Flores mellifluo Cantandos Carmine, quos nec  
Hora, nec invidia poterunt contundere morsus!  
O animi felix! ô Lætus inhospita linqvis  
T esqua tenebrarum, Sophiæque sacrata recludis,  
Quæq; Magistratus faciat, quo numine sceptrum  
Dextra gerat, dextrè cives & jure gubernet,  
Sic TSCHARNERE tui pulsabit nominis altas  
Fortunâ monstrante viam pia Gloria nubes.  
Fama tui per docta virum feliciter ora  
Inœnii, laudes operâ testante, volabit.

Ad



Ad mea Musa SALUS! clamat geminatq̄; , vocatq̄;  
Numina, cœlestem precibus ferientibus orbem:  
Fata Viatori concedite prospera, summi  
Ut studii meritam liceat contingere metam.

*In omnimodi amoris & honoris testimonium amico suo  
honorando, hoc adjicit*

P. A. Kalt.

F I N I S.




Alsdorf, Diss., 1656/67

(x 261 3006)

VDM





DISPUTATIO POLITICA  
DE  
MAGISTRATU

16  
193

Quam 1660 4  
DEO DUCE ET AUSPICE

EX  
SAPIENTISSIMI PHILOSOPHO-  
RUM ORDINIS PERMISSU,

SUB PRÆSIDIO,

DN. JOHANNIS PAULI FEL-  
WINGER, POL. MET. ELOQ. PROFESSORIS  
CELEBERRIMI,

IN ALMA ALTORFENSI ACADEMIA  
Publicæ Eruditorum disquisitioni subicit

JOHANN: RUDOLPHUS TSCHARNERUS  
Hof. Slesuicensis,

PHILOSOPHIÆ STUDIOSUS,

Die 12. Maij. in Auditorio Philosophorum,  
horâ octavâ



ALTORFINÆ,

Apud GEORGIUM HAGEN, Univ. Typogr.  
ANNO M. DC. LX.

